

更

生

齋

集

更生齋詩續集卷三

陽湖洪亮吉著

匡廬九江集

又六月十七日侵曉由涇縣東門至晏公堂道中作

木綿花綠渚花黃一頃芙蓉白露香誰把燕支染初日
未明先挂郭門旁

十里亭邊暫駐鞍枳籬茅屋足盤桓新收一斛桃花米
却網溪魚勸客餐

由問津處上台泉山

平塗行廿里徑路忽峭澗峰峰勢如墜險與額相及陰
厓盡犀利飛鳥難伫立天風吹其間空處恍呼吸雲頭

皆上聳似作上天級橋危劣難步如鳥側身入龍爪怒
作花排空攫人急每于盤折處偏有怪蟲蟄經時方出
險與客天半揖秋聲陡然下涼雨入衣褶落月下北岡
亭亭尙如笠

由石山菴上峰頂升望江樓遺址遠眺

涉江苦憶山上嶺復思水爰生天半巘直下忽無底高
低青萬疊一綫碧沍起山房時隱現半陷石潭裏幽客
尙早眠窗軒綠如洗茲峰望休歛鳥道亦百里只怪鷹
隼低穿雲飛不駛無嫌瘦筇瘦且陟毀垣毀崇禮闈縱
輿靈光殿仍歸危梯久無檜紫繡纏葛藟想見夜半時
延緣上山鬼

尋雲門及大土厓諸勝

石腹裂一丈森然出雲門陰厓黑如良雲氣驟吐吞倒
挂百尺蘿絡此松石根上與青冥交下嚙雲水紋靈蛇
穴其中濕霧亦暗噴秋蟲語寥寥似欲驚且昏斜接大
土厓石頂已盡髡峰峰儼負展石石悉戴盆小水大水
深犍牛駁牛犇莫訝石質頑或者靈性存我行思少休
檢此峯頂蹲坐久語默忘泥衣曝朝暎

三台池泉石既奇松竹亦茂日午坐此久憇

地脈不上透飛泉出三霄淪漣倏已清雲霧亦暗交履
石石盡虛仁足恐不牢居然諸峰低承此飛瀑高百竅
悉作聲玲瓏響如簫雖非東西江疑有子午潮宵分龍

氣升豺虎不敢咆遂令半里中不宿鷹與鶴一石儼伏
龜東西跨成橋我從石梁來至此意亦消况有諸仙人
相隨共遊邀酌茲成霖水分彼雨勢驕明晨歸山窗看

足龍雷塵

時正午
聞雷聲

訪台泉書院故址有襄亡友劉編脩汝暮

劉曾主講于
此屢爲言泉

石之勝二十年來山長皆假
萬縣城不復至此是以傾圮

世間俗士不愛山蹤跡苦戀塵埃間丹房玉井任傾圮

老雀弔影行空壇當時築廬本迢遞橫舍初開佛樓廢

讀書燈比長明多夜半光景連星河山腰別作藏書庫

書帶草香堪避蠹尋常不接遊客蹤雲朶往把雲門封

君不見江公作令劉公客

時讀壁間江太守掬碑記書
院卽太守宰縣時所建也

此事迄今纔瞬息蓬蒿填徑蘚塞窗雨洗斷碑餘一尺
鬱孤峯前路鬱盤雞犬倘復思劉安山僧怪我善登陟
屢引竹杖穿頽垣卅年興廢何可算獨准仍爲老僧伴
天風倒挂百尺藤却藉枯枝絡頽岸

二更乘月歸縣

不覺雲門宋秋蟲響一山乍醒孤枕夢來歎老僧關竹
暗藏危巘燈明下澀灘荒城烏鵲好迎客卽飛還

吳生行爲昌言文學作

我來涇川已三月儒流幸有趙左陳

謂紹祖訓導及明
經煊孝廉寶泉

問誰健筆最凌厲近得吳子真畸人吟壇有爾一藝足
遠軼萬巨兼汪倫開元天寶好風日可惜二子無遺文

我疑謫仙縱遊日二子僅足撰杖兼攜尊遂令謫仙人
揮灑秋與春日空四海無等倫若使此人早在至德以
後大厯以前上追高王岑下伍卽劉錢豪險痛飲縱不
及謫仙酒亦可半斗詩可五十篇青蓮先生有畏友白
日不敢吟成顛桃花潭上花光妍一唱一和三千年汪
倫萬巨拍手笑放爾高歌作同調我遊台泉山苦憶李
供奉日午山房惜無夢回頭視吳生詩已過十紙我與
青蓮生恐皆不如爾我爲吳生行兼寄陳左趙才人學
士一時少君不見山中猿鶴何足道送爾高飛出天表
向趙司訓乞酒

丹鳥紛飛白鳥喧空堂坐到曙星懸子雲亭畔無樽酒

懶向牀頭更草元

已飭平頭漉酒杯
舫船聞向隔江回
君無更寶連城壁
惹得秦人舉國來

正欲遊水東
適吳別駕台至
先爲言山水之勝
並約便道過
棗竹山房
因率成長句投之
兼酬枉贈之作

吳會

官湖南通判乞假歸

我遊水西憶水東
苦乏地主難追從
今晨始復值判府
告我家在藍山中
門前一水曲折通
窗外萬竹何璵瓊
藏書手校五千卷
鑿牖四面通
疏風山經地志嗜
成癖
早有萬古蟠心骨
時時得蹈古人隙
腕底傾寫如長虹
羨君綠髮青雙瞳
眼光透紙已數重
班生鄙生蹤跡苦

未到目驗得不輸吳儂篋中聞製涇水考與我所見將
無同大藍山當官道衝輿到竟欲馳青驄瀏覽勝蹟追
仙踪我慙衰謝已非昔足力尙足欺龍嵒山靈待我亦
已久留住一頃荷花紅荷筒香可作酒筒一飲已過三
千鍾翩然飛下丹頂雀爲我侍立之青童遊山奇福一
歲得再逢

春半遊
天台山

卽此可傲天寶大厯諸名公我遊欲

借雙茅龍世人不相知謂我白日跨雨工昔時南江流
過此乃挾涇與桐東流到海忽已竭遂使懸溜之處飛
枯蓬中江水涸由臺濛不知南江之塞昔日誰加功搔
首我欲咨蒼穹新涼日昨墜短蓬秋燕不語鳴秋蛩芙
蕖花好不來醉江上待放秋芙蓉坐君竹屋飲君酒碧

月正好，光簾櫳臥遊三日，苦未醒。山頂飛下，辰時鐘欲
別徑，爾攜孤筇花徑十里，不遣蒼苔封意。所欲到思騰
空君不見，蒼梧九嶷連祝融。入百里水磨青銅洞庭君
山龍所宮。君昔宦此，何雍容歸興。忽爾如雲濃，驅浪萬
斛浮。臙腫東江時有北渚鴻，鼓翼昨下南高峰。遠寄一
札何怔忡。綠袍金簡促爾覲南岳，切莫青弋江上久作
垂綸翁。

初八日夜雨後作

雨聲疎欲斷，枕上月華生。獨客醒殘夢，新涼入二更。芙
蓉生靜渚，篔簹響秋城。愛此閒中味，牀頭句復成。

吳家宗祠宋太平興國二年梓樹歌

一枝老幹八百年 謔謔出出壽轉延 前歲樹出火自根 燒燼其一枝

株雖老葉仍嫩 四出勁枝如布陣 年深力厚色益蒼 花色

色紅白占雨陽 花紅卽旱白卽多 雨土人以此占歲 有時一歲兩舒萼 土

俗競傳花吉祥 吳氏科名盛日 樹或一歲二花 五株青蔥一株槁 槁木

猶擎黑龍爪 排空欲攬五色雲 裂穴尙生三瑞草 稜稜

四月花無數 誤認田家紫荆樹 土人誤呼 爲紫荆樹 呼名旣使巢

窠驚復恐南山特 牛怒老夫曾讀種樹經 細辨榦葉分

根莖太平興國二年植 可匹萬歲通天琴 孫村汪氏藏 有唐萬歲通

天古琴屢 約往觀 君不見南遊歙嶺東 涇水植物靈奇孰逾此

欲繪南方草木圖 程家紅豆 歙縣岩鎮程氏園紅豆一 株大蔭數畝亦宋南渡時

所 吳家梓

吳通判招飲于菴竹山房酒後復至沙岸步月四鼓乃
返

千竿綠竹裹一房竹外十里飛天光天水盡處雲爲鄉
白雲英英時入抱不住窺人竹中鳥座上玉山齊欲倒
圓日乍落半月生更向竹外飛千觥竹影攔客何縱橫
三更出門四更返遠向長隄陟危阪白鷺笑人歸太晚
山房一枕忘曉昏蟲響塞砌風填門涼月影浸詩人魂
十一夜宿菴竹山房

一亭千琅玕一砌萬蟋蟀琅玕影已重蟋蟀聲不絕忽
然孤枕畔飛上半圭月秋夢甫欲成蠨蛸帳中出

十二日浣花亭聽雨

一亭四面山潭水出其側清晨來聽雨醉醒到日夕猶
欣松竹外沙鳥如素識客正喜看山潛鱗出窺客

吳孝廉文炳屬題友人所贈詩畫長卷

英夢蟾前身畫師今必傳張問陶飲中仙人詩亦豪吳
錫麒法式善南北詩人一時選久別吳嵩梁近見伊乘
綬一一讀君詩一一思我友君來乘竹輿君去攜竹杖
一路到門溪水漲明晨擬欲趁早涼墨妙來看成親王

君近得文符詔楷書長
卷成親王爲跋其後

十二日自茂林至古溪潘村登文昌閣晚晴後村人招
飲景范堂作

古谿谿水何彎環一閣正面齊雲山齊雲山頭雲尺許

散作千家萬家雨，雨絲迎客到茂林。雲朶導我來幽尋，
秋林百尺秋聲早。一闌三層出林杪，承流山外雨腳收。
閣上夕陽紅不了，栽松作柱柏作榱。柱裂一綫穿春雷，
三月中有雷從閣下起裂東北一柱乃出頗疑閣底怪龍伏。雷斧劈處山爲
開，春雷輟響秋雷起。宴客仍從雨聲裏，東溪菱粟西溪
藕。更煮溪流作春酒，主人愛客客亦豪。百罰深杯亦何
有二更月出酒半酣，約客散步來溪潭。君不見籃輿睡
足客夢甘，谿月從我歸谿南。

十三日雨中宴含暉閣

十里灘聲四面山，好花多處掩層關。青天窺客竹牀上，
白鳥結鄰沙岸間。復性書從愁裡著，閒情句向夢中刪。

沉沉夜色蕭蕭雨不到三更客不還

主人喜著書

自水東宿二水山房先至桃花潭上縱眺

事隔千年夢亦勞獨來潭上看雲濤謫仙與我同寥落
做盡從前宮錦袍

涇水南來日夜流小樓剛嵌水南頭

山房有一樓余三以酌月名之

更潭上秋雲白我欲呼君醉此樓

初更後雨止月出復泛舟至桃花潭夜半乃返

桃花潭邊月欲華放艇忽若乘仙槎順流半里卽一曲
曲處正放秋桃花踏歌茫茫客誰見桃葉桃根恍迎面
汪倫古冢喚不膺

洲上土人傳有汪倫墓

剩有采雲飛片片墩名

磊玉岡采虹帆轉面面丹山風山風回盪月初綠盡掃

雨腳歸長空潭中赤鯉魚岸上白鷺鷥吹殘日綫吹雨
絲對客飛舞偏多時君不見千餘年來兩遷客魚鳥可
憐皆素識一樣承恩宮錦袍酒痕墨污無顏色縱然袍
污無顏色落筆奔虹尙千尺多少川程與陸程待君詩
與江山敵我亦生還感 主恩獨遊疑屬再來人三

更潭底呼明月恐有當時舊酒痕

考溪書塾小憩

活潑田千畝清冷水一灣更看雲外嶂知是歙州山有
屋皆依岸何人此閉關醉君三百盞仍棹酒船還

浮田歌

浮田百頃平如掌千尺水流三寸壤下有泠泠水聲響

山農以爲地游魚以爲天下層魚蛤中層田上者復蓋

蒼蒼烟一風低吹萬畦動穉稔連雲壓魚重仰食禾根

抵魚俸雙竿作翼身何輕農人播種時腋下拔兩種地竹竿不則有沉沒之患

恍種天邊星穀食顆顆如星精雁來紅與雞冠赤米皆紅色

有雁來紅等名上確人誇好顏色不是世間煙火食山農一歲

皆倍收米可十石魚干頭米作常饌魚爲饑閒觀我忽

發深慨百年桑田會須改此亦人間小滄海

月下經澀灘

三門六刺流何急下水澀灘真不澀鷓茲鴨夾欲趁人

十里路長飛不及

十五夜乘月自考溪放舟經澀灘九里潭諸勝二鼓仍

抵桃花潭上醉中作卽呈同遊諸君子

明月忽在左明月忽在右麻川南來合舒口一灘前已

去一灘後復來潭折九里何紆回纔經澀灘西方飲考

溪酒

時考溪村人餉酒及饌

煮得空潭尺鯉魚狂思十丈蓮花藕

帆檣險切雲霧過口渴我欲吞天河樽前一人爲我歌

青衣陸郎善歌

激得怪響生山阿却思此夕真何夕滿墮秋空

月輪碧東坡先生攜二客七百歲前遊赤壁

東坡遊赤壁在七月

望東坡居士青蓮生我疑皆屬星斗精赤壁之鶴長江

鯨何不乘興來遊行冷江風起江波小

江上夜半輒起風土人呼爲冷

風月亦愈增顏色皎舟人呼客客不聞座上玉山先醉

倒

夏全宋詩卷之三
二水山房酌月樓夜坐

一水分二水三更入四更無人共斟酌飛雨入飛觥
十六日由竹林菴入憩復渡舟至水東飲翟氏宗祠卽

席賦呈一律

茅庵久駐夕陽紅更挂飛帆入水東載酒船皆尋賀監
空村人出看蘇公遙山氣結三層雨古屋涼生百尺桐
多謝諸君能醉客新晴歸趁渡頭風

雨霽自落星潭上藍山

藍山新霽後飛瀑下如龍引客一雙鷺扶人百尺松古
懷殊落莫石屋暫從容又復蕭蕭雨前峰翠益濃

宿聳碧禪林夜半大風雨

空山風轉如轉石石勢何能與風敵僧房正嵌石嶺邊
巨石下壓幽人眠有時風轉石亦盪無數雨聲來灑帳
五更風止眠始安枕上突兀生奇觀君不見落星之石
石已黝何日上天重作宿

夜半雨止起至寺後看飛瀑作

山房一枕勢喧喧無數秋聲閣上懸偶趁半圭殘月影
獨來巖上看秋泉

十八日自桃花澗浴飛瀑行三里許望放歌臺以水阻
不得上

我攜一壺酒欲上百尺臺山神久已厭狂客深恐李白
今重來遂放百道泉噴此日午雷奔流十里流湖洞高

處又復遮蒿萊我謝山神莫相惱我才非仙量尤小昭
昭赤日可作保山神聞之已深曉他日來遊屣應倒
落星潭

人傳東晉時漁父見落星道元采傳聞遂以注水經至
今空潭中雲氣日夕青我來面空潭憇此山半亭誰貽
黃金鮓潭古出佳魚
土人名金鮓佐我白玉觥天星憶地星夜半潭
上橫我吟龍潭詩要與龍子聽

聞剡少司馬躍雲子告歸里却寄一首

此福眞難及君恩賜鑑湖乍看拋笏冕纔敢憶尊

鱸卿相兩傳久

君爲大學士劉
文定公次子

田廬一寸無誰將去官

日清節繪成圖

自桃花潭回案頭祝嘏詩已盈寸並承諸君子合觴我
于試院之冰鑑堂因率賦四章報謝兼酬朱司訓煥
吳茂才昌言枉贈詩數

自著漁簑輟荷戈一旬連日醉巖阿銜杯李白愁何少
伏鑽張蒼幸已多梗斷總疑身泛海瀾翻仍覺口懸河
諸君貺酒兼貽句一字須傾一叵羅

少年意氣劇縱橫百事如今寡一成東海客從西海返
出山泉抵在山清纔看甲子逢初度轉向庚寅憶始生
檢點年華要行樂秋風昨夜到江城

憶綴承明侍從班邇來蹤跡慣看山遊完五嶽纔婚嫁
官到三天合退閒蠟屐甫收千嶂外蠹魚同老百城間

侯芭倘欲探奇字，蓋待先生靜掩關。

四座欣看疊舉觴，感君略一述行藏。平生友誼惟東郭，少日師資是北堂。齒老祇堪同犬馬，墳荒終見上牛羊。諸公遲暮先愁死，畢竟還輸賤子狂。

舟過桃花洞

枕上青山過萬重，桃花巖外水溶溶。偶然清響激殘夢，猶是水西菴裏鐘。

江上逢舊友

江干逢故人，半里手卽招。橫風吹來舟，忽已隔石橋。橋東橋西路，雖遠風急仍將語。飄轉

八月初五日夜舟過采石獨遊太白樓作

人說先生在上頭一樽挈得便來遊
慙余亦有千春業
輸爾高居百尺樓
曾走萬程同小請
更遲十日已中秋
闌前好插雙紅燭
照此空江入海流

石湖串月歌

東橋月西橋月碧玉璫瓏串成玦
前石湖後石湖星點
歷落鋪成珠珠光
初稀月光膩倒影射天天作地
全湖何止波影涼
江海蒼茫貢清氣
謫仙我本天上来
曾向桂闕時徘徊
寂寞清涼夜
寂寞圓月不飲亦可傾
千杯一更延回至
二更天水與月初分明
吳孃雙槳捷如馬
一一儼向空中行

簫聲

隱隱墮閣頭
帆影紛紛出湖口
君不見星光月影何零

亂玉忽同珠結成串三更歸夢過虎邱十里水光飛不

斷

題戴上舍延介除夕遊山圖

一片千人石年除半客無偏君攜好友來此訪浮圖酒
滿屠蘇殘春生煮芋鑪詩成誰可質鬱壘與神茶

嬾魚歌爲周上舍綵賦

太湖三萬六千頃至少十萬漁人船君漁獨以嬾爲號
得暇偶亦漁于淵高低老屋傍澗阿跨下時復喧湖波
盤飧不必出門市鱖鯪鯉穿厨過擡頭縹緲峰涉足
消夏灣君漁旣嬾常閉關庶幾鈕山人樹玉時復同往還
登君之堂把君盞快食君魚羨君嬾三更飛夢出北窗

去訪靈威丈人返

鈕太孺人撫孤孫圖

孤蓬少歲苦無根憶受皤皤黃髮恩今日畫中瞻大母

依然同撫外家孫

余少孤育于舅氏
竅受外祖母知愛

包山雜詠十二首

綠楊灣

雲從西南拋灣向東北拗拗得一港魚齊飛入山島皆
分援樹獺竟欲升木杪想厭魚味腥狂思啖山鳥

歸雲洞

朝朝送雲升暮暮望雲返山雲何不歸白日忽已晚頗
聞雲數朶怯此三折坂七十有二峯此峯雲獨嬾

石公山

我登石公山石石悉不讓石公同石姥不叱石無狀遂
令高下勢分占南北向或者開闢初此山先倔強

天風峽

俗名風衙

天風走下天一峽束之住山神張口噴風伯赫然怒風
威纔欲肆山鬼倏扁戶石石態可憎稜稜齒牙露

大龍渚

石石欲上天石石倏去地凌虛纔半尺肩闊脰偏細全
湖三萬頃吐納此厓際時有五色雲神虬吐奇氣

消夏灣

已過寒露期灣尙號消夏蓮根與蓮葉此景最宜夜西

風回地軸林葉欲全卸鳥趁缺月飛移巢苦無暇

明月坡

三更全湖青缺月吐暗白暉暉斜映水光不還山脊魚
龍以爲朝鷗鷺以爲夕各各逞厥奇茫茫孰能識

連雲嶂

直石高百尋橫石長半里峰頭排怪石一一作城堦連
峰無寸罅何處悟石理三面看欲完生雲嶂中起

林屋洞

足拖一澗行背負千尺石石奇皆壓頂水澗尙沒級身
危沙礫裏四面仍束濕隱隱聞大聲疑逢老蛟蟄

翠峰塢

山青欲斷處積翠膩一屋山靈惜空翠圍以深澗綠疲
蹤眠石上暝色下古木啄木時一聲酸風注空谷

雨花臺

時晚桂盛開

半畝金粟田馥及四邊巷山深饒露雨花色浮淺絳橫
枝入禪窟直幹依法幢夜眠桂子香成團月中降

三山峽

時以築黃河堤需青石官符劄山幾徧

昨聞河流衝殃及具區石芙蓉青萬朶一一遭斧劈奸
民藉官符劄及蛟蜃域三山渺然愁鑄殘水中脈

廿三日自石公山至林屋洞遊畢乘大風度湖歷三山

峽龍山諸勝抵東山綠楊灣宿

莫釐峰頂仙雲笑三十三年客重到不訪靈威訪石公

居然白髮稱同調，竟攜風雷入巖壑。欲與蛟龍爭奧窔，
鷗茲一隊隨行跡。蝙蝠四邊磨孔竅，崖根曲折頻穿履。
石筍玲瓏尤礙帽，洪流倒射肩先濕。白刃橫排足能蹈，
山外無山境益奇。穴中有穴形逾峭，鑄鏡一一疑神鬼。
對峙明明挺犀豹，千巖日月埋光景。萬古坤輿抉靈奧，
奇書縱向九地埋。逸客來承九天詔，要攀玉柱升元闕。
端坐金庭讀真誥，更無祕笈與開先。只有龍威讖神妙，
空中似有山神迓。幽處疑聞水仙操，書攤七二峯頭曝。
旨抉五千言外要，盤渦夜色昏同墨。出洞明霞赤如燒，
銀濤復歷胥江口。赤日欲斜神禹廟，千重鼓浪身如寄。
十里沿山首猶掉，帆檣歷歷斜偏整。衣袂重重濕難燥，

柑香難療遊子飢，魁芋欲煮仙人竈。離波十丈鷗先訝，
入峽三層童甫報。升巖屐響如飛，爆過嶺燈光恍原燎。
須臾一陣狂飈滅，穩待四更殘。月照全湖蛟蜃齊，出波
激得山頭客長嘯。

初三日生日自壽

朝簪脫後髮慵梳，落落人間老荷耒。心識開天遺事古，
詩編元祐罪人初。淵明詎肯閒情累，叔夜終慙涉世疎。
誰佐先生生日酒，滿籬黃菊滿園疏。

是日初曙山輿從離垢菴至石門久憩

山雲出山我入山，相與覲面山前關。山關直上復三里，
正見山坳白雲起。雲根斷處露石門，流水一折仙凡分。

山人據石洗雙眼九月水尙春泉溫山頭一月晴陽爍
對嶺飛泉僅如勺回頭正欲眺下方一片白雲蒙市郭
徐明經雲路爲余寫巨區濯足圖綴以三絕句

鬢邊已帶天山雪足底猶餘瀚海塵洗向太湖三萬頃
分明波影認前身

水雲涼入一絲絲明月坡頭夕照遲白鷺怪人箕踞甚
亦拳一足看多時

種來金粟滿閒街時有濃香撲客懷正向危橋曝雙足
夕陽紅已襯芒鞋

白雲洞

石門旁邊白雲洞偈仄四山圍若衙四山丁丁樵斧衆

人聲雖微斧聲重攪得乖龍臥初動九地九天飛惡夢
離垢菴

離垢菴中水無滴一月山人下山汲下山盤盤百千級
白雲雖鮮晴不濕關牖偷將露珠挹空裏靈虬忽呼吸
清芬閣

鑪香隔宿燄初微瘦骨憎人鬢影肥窗外水光都不看
黃庭讀罷寫靈飛

蘋香館

唐園南去水雲涼一片蘋花十里香莫向靈虛問消息

月中仙斧劈人忙

隱括
本事

得伊太守秉綬書時聞于役海上將往訪之先寄一首

萬程與我同巖譴半道偏君荷

主恩

特旨乍寬金齒戍羈魂猶入玉關門仍看五馬臨江渚
復感雙魚下使轅投老相逢各如夢且從海上泛清樽
贈僧默可

背城三十步四面水雲澄似出人間世來尋物外僧徑
留前代蘇塔隱隔宵燈何止談空好詩參窈上層

九月望日西關水榭看菊雅集主人出歌姬度曲爲壽
卽席賦贈一首

古岸西頭竹結鄰已涼天氣忽尋春半坡秋水三更月
百種名花一麗人時有細香穿曲榭不妨疎影替橫陳

歌喉串串圓如豆頻惹衰翁酒入唇

待風凌江閣口

仙人已值上清宮

時閩中道士
已入直天壇

門閉蕭蕭葦荻中曝得

白鷗秋夢破蓼花紅外夕陽紅

揚州登文選樓

隋唐開選學曹李各名家一郡人材集茲樓歲月餘戶
通金屈戍城傍玉鉤斜此日南州彥誰堪號五車

九月十九日偕汪布衣鯤江秀才藩林上舍鎬至平山
堂北萬花村訪菊率成五絕句

兩年頻到萬花村衣上分明舊酒痕枯得岸東楊柳樹
小樓當面見朝暉

平山堂北水雲寬一晌西風送早寒胡蝶翅黃花蕊紫
白頭人倚玉闌干

節展重陽天展晴過江客亦展行程雁來紅外秋棠底
留聽寒蟬三兩聲

東西各歷軟紅塵共向邗溝話昔因吟到白頭江令句

時汪君誦其少日所作對翁橋西舊酒樓一絕余爲擊節者再悲秋纔了又傷春

肯從物外事幽尋憂樂相關鬢雪侵閒與古梅商出處
早春顏色後凋心

焦山贈張上舍峯

四十詩人張夕莽別開小閣蒜江南秋林萬葉紅如海
蠟屐閒從醉後探

荷戈人在夕陽邊

張君曾爲余作萬里荷戈圖極佳

宛馬如龍不著鞭

欲貌洪濛萬年雪別施輕粉寫祁連

張司馬鉉介其弟上舍以台蕩黃山及匡廬詩見質并

先爲言香爐瀑布之勝率贈二篇

松寥閣底話斜曛已夢鑪峰頂上雲欲挈天台赤藤杖

與公同訪武夷君

名山處處不相逢君住支硎我翠峯

君後一日遊支硎時余已抵東洞庭

矣閒話鑑湖千頃月海門剛打戍時鐘

蒼松寥閣僧海峯

桑下曾畱三宿蹤剪蔬摘果話從容門前萬斛濤如沸

不礙山僧左耳聾

月波臺晚坐待月

一山初沉一山出無數好山銜落日殘陽欲墜星點橫
入定月向山腰生斜陽殘黃月殘白涼暖樹頭分頃刻
神魚拜浪豚拜風相與出沒波濤中松寥山深漏聲遠
夜色忽從鼉背轉鷓鴣並鷓鴣隊不全鷗夢却與江波圓
贈方丈僧秋屏

下弦殘月叩禪關却喜枯僧去已還

時秋屏亦適從邢上歸

黃葉

亂埋京口渡紅雲昏擁海邊山雪中鴻爪行誰定壁上
蝸涎句可刪尺五浪花爭出沒野鷗何似野人閒

待風半日獨至山後望松山寥山久憇

風急仍爲半日畱嬾居山榭泊江洲鷹同獺占東西嶺

浪與人爭出沒舟沙點亂埋樵客脛雨絲時落野雲頭
茫茫北望真無著隻影先隨大海浮

雨止行山後

茅菴何似講堂閒挈杖寥寥自往還翳得秋林萬黃葉
雨中行盡北頭山

舟過黃天蕩作

舟人競說黃天蕩一點風無三尺浪清晨棹出沙漫洲
似向大壑中間浮天青四下垂無地龍氣直衝霄漢氣
殘蟾欲墮曙色升一點棲霞影波際西來采石東金焦
沙漲都欲連州橋尋陽九派自天落惟此一折喧驚濤
千餘年來發深慨南江中江不歸海麻姑何暇笑滄溟

此亦桑田屢遷改四瀆合兩瀆三江成一江近聞淮與
河日夜相衝撞勢必合此江淮黃巨浸險欲無南邦昔
時揚子橋今作揚子渡中流一日值北風徑指最高峯
下路東沙漲與西沙連土人歲歲爭洲田天公亦似患
人滿時闢龍館開人煙風帆直上真如箭夢裏皖公先
覲面蕭蕭瑟瑟枕上聽萬頃蘆花一行雁

泊舟儀真城外喜晤蔣表兄馨

曉泊真州堤偶憶素心客濛濛雲氣外呼僕落帆席經
秋不相見頗喜好顏色爲言人事改升斗未嘗得羈孤
同旅雁辛苦爲謀食故人今賃屋住我小樓北歲晚倘
過從斜橋雪盈尺

晚泊棲霞港望最高峯追悼詩僧慧超

晚泊棲霞港茅菴不斷鐘四更殘月影一抹最高峯苦

憶三生客驚枯六代松古碑何日立墳墓已全封時已

墓碣屬焦僧
秋屏立于此山

雨雁

一行江北雁冒雨過江飛乍掠漁郎浦來尋燕子磯煙

雲圍矮屋蘆荻作秋衣却恨梁禽返餘糧不共肥

雨中望幕府諸山

遙天十重雨曉止下三重別有七重霧分埋南北峯墨

光團烏雀寒氣裹魚龍夢八仙山裏愁雲影亦濃

卽事

空簾吹雨絲日出飛鳥外雷聲驚屋角電影收亦快驚
心秋已盡溽暑尙難退青霜何時零白鳥仍作隊冥冥
天北際一角又全晦坐久夫容花成團與相對

舟中讀黎明經簡詩跋後

黎侯遺此一卷詩令我十日讀不止兩龍入海鱗甲青
風雀投天翅翎紫平心似嫌今古速快意復恐塵寰促
狂思三萬六千歲歲歲鶯花不重複又欲身代東王公
妻代西王母

君有贈婦
詩極工

雙成采鸞指使不得休一侍臨

書一溫酒筆下似有千條蛟一百萬匠爲鐫雕樓臺窗
牖無一世入式更就四瀆駕起五嶽爲長橋茫茫昧昧
信手題落筆時瘦時仍肥肥若鼈足瘦鹿蹄冠苔衣蘇

襪蕪藜立志不用雲霞衣
黎侯四十南海頭五十我返

西南陬馮

敏張錦希符

趙李清皆素識獨汝一面終無由

昨來入我夢對面識不得眼如落月黃面若春雨黑
鬼光人光離一尺人光欲前鬼光匿我不畏鬼爾畏人或
者我尙饒精神若論萬劫名不改我卽爲神亦慙鬼黎
侯黎侯爾何在乃使東海奇人畏南海

泊三山值大風

三更東南風忽復轉西北吹得稜稜樹頭直
枝枝葉葉風已刪老榦不與巢相關宵分獨雀往復還
白月白飛丹頂丹蒲牢身從五更吼一寸嚴霜雪同厚
西梁山北起阜雕作勢欲拍尋陽潮

偶成

伏几偶有暇卽欲思幽尋豈真好遊山藉以消壯心古
陰惜分寸我轉惜瞬陰卽此一瞬中足抵千黃金昔人
去悠悠白駒逝駿駿頰仰卽今古悲歎何能任

少壯倏已過惜此垂老期垂老何所爲程功日孳孳不
惜心力疲但恐歲月馳晨編映曙光夕簡隨星輝不作
無用言冀以酬所知丈夫處衡門會有藉手時冬窮春
復生仍將事東菑

古來明達人頰仰無所忝劉生旣枕戈原伯甘伏劍明
明晉荀叔不使言有玷大都忠與孝一往無轉念倘計
利害深中裏定多歎

夏全明詩集卷三
三
林禽珍羽翰志士珍心肝心肝亦區區義憤所鬱盤一
朝恒榦摧韜以七尺棺甯充虎豹飢不作狸鼠餐栽松
作墓門立栢作表垣狸鼠已遁逃虎豹尙踞蹠驚看蓬
蒿中挺出青琅玕

蕪湖與友人別

抗手不得下持爾一杯酒挂席十里行酒杯猶在手北
風吹酒酒色寒酒面淚落紅闌干江魚張鬢欲迎客紅
淚茫茫落魚額

五鼓江行

漏盡潮升落川岐路渺茫誰言五更短已夢百年長暝
色爭雅黑蟾光門葉黃半宵忘世事心與水雲涼

卽景

山禽攔客夢不使入山坳白鷺復遮客招邀八遠行半
程風轉急一客臥初醒永夜歌天問寥寥燭影青

舟中望九華山

名山一例青青色此獨活餘山仍貢翠瀆及林與樾蒼
然纔破曙光已燭天未濛濛紅樹影一一厓上突江行
連日夜面面看凹凸一峯一藪萼九嶺九仙骨連天雲
作被匝地霰生禰陰厓排五老眉宇各超忽青看一峯
顯青復一峯沒眼底青甫完意中青鬱勃

紀夢

夢中得三四兩語因足成之

記泊樅陽郭外洲偶然飛夢越洪流一山花影一山月

大海盡頭天起頭

將遊匡廬先柬九江太守方同年體二首

我爲陽羨書生老君比江州司馬尊南下似隨彭蠡雁
西來不污庾公塵一麾出守憐同輩雙屐看山剩此身
豈是折腰吾最嬾品題花月要閒人

會試同門存者五人四皆出守

離家頻覺鬢毛添所喜無人責米鹽事外更休譏阮籍
酒中今已得陶潛三命四嶽遊曾慣九派雙江跡未淹
別有繫人清夢處香鑪峯頂水晶簾

江行過太子磯

九派茫茫內居然時一拳磯同開母石波作濯龍淵文
體尊當代家聲拓再傳無由致虔謁風緊峭帆懸

遙謁昭明太子祠

百里遙遙接馬當
祠門開處見樅陽
一家詞賦同前魏
半壁江山啟後梁
初地自銷兵燹劫
選樓應築水雲鄉
我來鄭重掘衣謁
六代文章一瓣香

華屋篇

人居華屋從無百年自歸山
工歲時綿綿綿綿之樂勝
于華屋日入崦嵫而出陽
谷出不必喜入不必悲
任天而行我何預爲
我不食肉何以得辱
我不飲酒胡顏之
厚東溟益深南山益高
今我不樂山川獻嘲

二蟲篇

惟蟲有蠶衣被海內
惟蟲有鼃網羅同輩
一含生氣一

東生齋詩集卷三
具殺機雖同吐絲趨向本坡菴不殉網盤則殉繭報施
明明善惡奚辨

舟泊古廟灣

秋水灘頭已上星半間茅廨足居停
碁枯漫算千年劫
廟古猶餘一歲靈
沒字碑欹誰刷墨
長明燈燼尙含青
山僧到老仍無識
諱說神局說佛局

舟過大雷口

席捲江南雨隨風
入大雷鵲聲飛若箭
魚浪蹴成堆
書向閉中寄帆從夢裏
開商量看匡阜潮已九江回

江行值雨

飛雨若挂席欲落仍未落
一席入江南先驚暗郊郭停

杯無頃刻盞幃已垂幕洶洶雷拔地凜凜龍嘯壑行經
六百丈風勢益開拓欄前竄鷗鷺竿上攬鵬鶚今夜一
葉帆應從何處託

望建德諸山

東流南下數坡陀建德千峯夕照多風力乍剛舟底軟
不妨穿浪共魚梭

大風不得泊舟偶作

茶餘正欲思午臥惡浪如山枕邊過案頭偶挈一卷書
船自低昂客安坐此來愁水兼愁風閒把碎事吞篙工
江潮初落客亦慵夜夢已上香鑪峯

初六日蚤舟過馬當

余以癸卯年自
秦中回道出此

三十年前客重來過馬當樹猶同我瘦山亦笑人忙詞
賦今誰健煙雲昔已蒼好風如許借明日抵潯陽

舟過小孤山以風利不得泊率賦一篇

我從金焦逆浪西吉陽黃石皆危磯忽驚天半落高髻
目所見者茲尤奇藐然獨立天水際奇在四邊無附麗
山僧居山五十年知有青天不知地寰中落落殊寡儔
只有砥柱居河流一排濁浪一清漲河伯海若都難讐
君不見天門山亦江心柱畢竟傍人門戶住一岸于湖
一歷陽縱然離立難軒翥平生最薄樓君卿五侯盛日
威饋鯖朱門散後亦潦倒低目俯首隨人行茲山特立
眞吾友面看山舉杯酒一拳俯瞰卽東溟數點蓋頭

惟北斗宮亭湖接桑落洲明日合上潯陽樓眼中餘子
尙千百一笑誰伴匡山遊飛帆欲落仍未落風利應知
不能泊香爐峯頂客復回蠟屐商登最高閣

是日晚泊舟金家灣回望小孤山作

潯陽南岸小孤濱似畫江山月色新大地亦浮何況我
北風如吼欲飛人微茫檻外兼葭雁檢點樽前笠屐身
語笑漫言冬序冷圍爐活火試燒春

初入匡廬山

清遊逮凌晨客夢已如昨初途遵新塘青氣溢城郭峩
峩匡廬君雲外已飛落雙峯挺奇峭五老散枝絡自此
嶺萬重皆從筍屨拓豐隆霹靂車盧敖輓轡屬騰巖爭

奮迅勞嶺益錯愕蒼蒼意何居于此震虛橐衫裳旣全
委援狄殊可搏天風莽回盪大氣自蟠礴南瞻隘衡湘
北望小潛霍盟手告上眞茲當作南嶽

過西林寺飯并望香爐峯拜經臺諸勝

一峯雲中欹一峯雲外礙峯峯隨意轉各各逞向背思
窮旦晝晚看徧頭腹背天門有時敞地穴或全晦峯巒
頻出沒日月驚破碎杉奇超覩記崔壽迷世代臺疑捫
膝坐客亦聳肩對餘山千萬頃青翠都割愛靜看香爐
峯雲煙起爐內

由石門澗日昃抵報國禪林宿

清晨出城南日晚宿山半江城望茲嶺不啻出霄漢甯

知天地高俯此若童冠三層雲霧接一谷羅綺煥橫峯
支危檣直石立削岸翠雨屋上飛清泉竹中亂空明禮
星斗齋肅手先盥回看斜照沒始覺來路斷時有五色

煙山僧夕將爨

寺前一峯俗名帆竿石

凌晨自錦澗橋登峯頂寺歷觀天池文殊臺聚仙亭諸
勝

一綫蟠十里危崖接青冥初陽尙未升甫落頭上星濛
濛萬重山盪此天宇青危樓揖高真頰厓瞰滄溟茲爲
天帝居何止仙人垆東西兩香爐拱此若闕庭窗軒偶
然開雲霞倏已扃一勺水尙嘗百日醉亦醒窮冬十月
中花木尙散馨回途戀清暉十步亦九停仍登凌虛臺

題篇謝仙靈

從天池至佛手巖久憇并尋訪仙亭白鹿升仙臺故址
一拳危支天一掌狼犖地何年巨靈手劃此天地際巖
潭毛孔潤松竹紋絡細真同指南針南向指銛利瞿曇
三五輩並就掌中憇周圍風竇裂高下雲液膩森然排
玉爪曲折走青氣名泉試清冷石屋訪靈異廊長無燕
雀鷹隼亦齊避却望北出峯居然掉肩臂

過黃龍澗抵黃龍寺宿藏經樓

一山千長松松古悉垂癭森森諸異木松外復高挺青
蒼莽回互亂沒衆山頂疲蹤投傑閣無異入窅井高寒
信難居烏鵲已無影森嚴繙佛藏蕭瑟豈人境須臾半

圭月南北逗光景東行倏回踵西望仍引領天籟時一
鳴如同漏聲永閒房燒栢子襪被尙奇冷夜半天池鐘
泠泠發深省

度橫嶺至棲賢寺

寺外卽龍潭
及三峽橋

十里及橫嶺十里及古寺雲霧影乍開龍雷響齊至千
巖東一澗至此忽奔恣胡赧紅紫冒夜壑蒼翠漬驚茲
百盤溜時墮九霄翹巨石不畏天排空儼吞噬三門倒
翻軸五老順排次停驂遲與夫奮袂入亭隧荒荒堆梵
篋一一藏舍利寺僧出舍
利見示偈言盈四壁所苦涉詞費潭
虛目尤眩石墜頂驚避籃輿百千折直下苦無地陟險
望始驚空潭走龍氣

秀峯寺看飛瀑并久憩白龍潭夜畱宿七佛樓作

門前三峯肥屋後兩峯瘦空青幾層撲濃綠萬重皺如
論形峭拔前嶺實輸後洶洶何隆隆絕頂出懸溜目眩
耳久驚心清齒先激何年滄海水走入此巖竇千春恣
飛灑一滴不滲漏光明成世界終古同且晝危厓旣圍
合衆壑亦奔湊雙瀑合一流千絃恍齊奏尤驚飛練白
襯此巖石黝平生耽勝賞似此實奇觀伏枕夢亦驚蛟
螭帳中吼

過瞻雲寺憇晉王右軍書堂復至寺後五里訪玉簾泉
繚垣長萬仞古木聳千尺匡山諸古刹此寺最雄特東
山名士舍西域化人宅毫枯先作冢硯涸尙畱墨頗聞

千葉蓮仍帶華端黑玉共穿地虛金輪亘天直憑虛揭
簾旌蹠實訪泉脈波光醒塵夢鑑鏡照疲客世去總不
停茫茫判今昔吾宗恣遊戲壁有宋黃庭堅及
吾宗洪芻題名彼教耽
宋滅題此釋藏名聊同勒厓石

廬山道中雜詩

古寺東西入望遙兩枯僧增傍溪橋天池長老忽飛去
一臥居然十二朝釋慧持開天池後卽雲遊羅浮入古
木中至宋政和中復出見徽宗所贈

傷

半晨先已陟峯巔便有空江落眼前高下草香三百步
上天梯子軟于綿

託鉢臺前劃界松東西虬翰指空濛懸厓直豎八千尺

夏三
下
下有白雲藏白龍

黃龍寺外千章木異種都從西域來只我亦畱衣上翠

萬松穿盡入輪臺

萬松塘在巴里坤入鳥魯木齊要道也

紅紫千條翠一條窮冬猶勝百花朝樓賢寺外三山峽

五老招人過石橋

七佛樓前夢未安十三月墮四更寒支頤碧玉闌干上

看足頗黎世界寬

籃輿七尺臥如船行客無端傍逝川百轉千回總難住

愁看一道出山泉

九點匡山九點煙繡殘祕笈詫飛仙何時五老超塵劫

白鹿居然早上天

歷盡潯陽至阜陽看山看水一旬忙官亭湖上三更月
人與魚龍徹骨涼

日日禪燈傍法幢籃輿行倦入吳艘此來怪底歸袞富
九疊青山九派江

十三夜乘月登南康城樓卽贈周明府吉士

城古逼雲根茫茫九派吞渚沙搏左里湖浪脅南門一

郡風聲峭三州嶽勢尊使君清興好先此肅離樽

酒

時明府餞

夜宿星子行館

星子山城小寥寥六百家一軍營孔道五夜起悲笳佛
火烘簾冷仙山入夢華恹恹雪鴻爪淺又印湖沙

抵白鹿洞書院

名山尙占師儒席不作西來選佛場
奏艸我欽唐諫議傳經誰似漢賢良
四朝石墨圍吟几九派江聲入講堂
白鹿已仙元雀去藥苗猶與客爭長

周明府陪游鹿洞供帳甚盛率賦一篇志別

松杉開合洞門幽白鹿仙蹤逝不畱
只有使君真好古遠陪謫吏一來遊
平生志節慙槐里絕域文章號柳州

正是耳空心寂處眼中百道出飛流

明府柳州人

十四夜遊白鹿洞乘月至鄣嶺村宿

身離九峯雲尙帶九峯月九峯明月鎮隨人
伴我清涼寺橋歇潯陽南岸宮亭左佛火參差雜漁火離觴兩日

苦不醒枕畔零星砌山果此行山水都已經明日欲詣
琵琶亭庾公樓上一盃酒夢裏飛帆出湖口

十五日五鼓度吳鄣嶺

忽覺白雲白蓋此青峯青回頭五老亦不見惟有濤響
搖青冥玉盤未墮金輪早一片黃金顏色好半晌天風
霧掃空九峯端正排雲表鳥飛不過人徑行鳥與人鬥
腰身輕嶺頭濛濛蔭松立正面復與匡君揖

登九江城望琵琶亭

事隔千年夢未完青衫紅淚尙難乾休憐商婦舟中老
絕勝明妃馬上彈一種琵琶成絕調九秋蘆荻響空灘
無邊風色無邊月輪與征鴻冷眼看

過湖口望石鐘山

久聞湖口縣欲上石鐘山薄暮風差緊清蒼嶺未攀大
聲和月卸淺夢逼雲還只有檐鈴好終宵欸客關

十八日守風華陽鎮因步行二十里至雷港訪倪進士
模卽席賦贈

十年京國悵分攜遷客行踪恐久迷小艇相逢圓月上
故人家在大雷西眠遲頻剪風前燭話舊驚聞夜半雞
我住匡山已多日新詩欲向草堂題

兩宿倪氏雷岸讀書堂兩夕

廬山九朵雲化作江南雨欲挂東下帆北風殊未許

秋江夜泛圖爲估客題

江寬紙窄四十里一點帆從荻中起洲形北指如旋螺
曲處仍藏萬頭鯉萬頭鯉上萬點鴉中有茅屋漁人家
開門新月已半斜紙上隱隱吹清笳一人科頭一人裸
更有一人斜撥柁秋江盡處煙樹青似有山鬼行伶仃

獨松行

在宣城灣沚土人名一顆松

村人導觀一顆松歷盡千松總難見忽然濤生絕壑底
瞥爾一松生對面岡周百步松千步松矮如人爪森布
松身既矮難上天八地根株莽回互面東不向東岡出
矯首欲逐西馳日松身雖青爪牙赤爪得夕陽紅似血
此松曾未五百年偃臥已學高人眠蟠根倘再百餘歲
逸榦已出涇江前石人峩峩當道左指地云銷地中火

地火屢災田禾土
人鬪石人壓之

陰陽生尅理或然左右一望皆平原

此松旣獨石亦獨足底東西走黃犢君不見客行足蘭
干山中臥穩欲學蟠根松我呼石人石不語一晌松青
落如雨

跋蘇文忠公遊廬山詩後

青蓮四十九甫謁匡廬君子瞻亦卅九始擷廬山雲我
齒逾十年天闕亦竟臻鴻鶴雖遠揚麋鹿亦可羣青蓮
逮今時倏已千餘春庶幾三謫仙配此五老人

黃崑山

茲山何嶽嵒積勢走百里山腰圍萬井如墮土囊底高
寒林木少秀乃出石理中峯尤塹絕曲折不升履森巖

回地軸芳傑配天體排空日月燭似出山腹裏青氣被
一山峯峯淨如洗玲瓏圓石竅時有怪雲起黃田暨丹
谿分踞石腹尾破曉鐘一鳴千扉豁然啟

十二夜同人至丹谿步月久憇大石山至二更甫歸時
陳孝廉寶泉已醉臥矣

半石出水半石沈人坐半石聽鳴琴谿聲如琴響不絕
忽復千步同幽尋青松何肥客何瘦月露洒衣衣覺皺
石梁頽處徑欲窮却有危機入波湊人聲旣宋燈影遙
笑語總向松間飄穿松入竹途誰辨倏忽出林人影見
橋危魚貫甫得過倒影真同一行雁初更出門歸二更
百步先已聞呼聲君不見客行不愧陳驚坐如虎鼻聲

壁北臥

自方山脊西行二里許訪胡孝廉琦種松書屋卽上山
頂久憇仙人石歸途復至孝子祠看古栢率成長句
一山土戴石一山石戴土一山土戴石益奇巨石中間
劈雷斧有時土斷石欲浮石復戴石同昆邱怪君詩筆
最森峭五岳盡立君牀頭門前片片山雲落屋後松濤
響如瀑君家山好不出門松自成林石成谷六客踞坐
一客眠一客欲去松蘿牽松身離石更天矯拔地竟欲
摩青天閒中七客忘言久靜煮山泉當山酒閒披一卷
石上詩時閱孝廉
黃山詩奇石頗能點頭否離松閣栢入路岐
歸路正好沿丹谿更闌客醉月亭午入夢松身栢身古

登石巖山卽贈寺僧心一

黃崑山陰接翠濃，上坡雲樹已重重。
孤僧似石支離雀，一石先成縹緲峯。
澗水盡頭藏兩寺，夕陽多處飲千鍾。
時踞獨石飲酒醉翁醉後頽唐甚，竟欲肩隨五老松。

丹谿九頭松歌

一株一頭合九頭，頭頭悉欲向雲中。
浮三頭稍卑，六頭仰似向松身分少。
長頭頭高出一指，東眼底直欲無高峯。
排空時轉日月燭，力厚竟能回地軸。
虬枝欲上仍未上，四下天青若垂幄。
年深厯盡冰霰霜，笑問九老顏何蒼。
飛泉時挂千尺練，冷翠尙蔭三重岡。
茫茫歲月奔馳速，材大偏教臥空谷。
過嶺濤頭尙有聲，入雲枝幹都無曲。

何時得值丁令威化作老雀仍來歸君不見溪風蕭蕭
月皎皎夜半驚聞九頭鳥

十五日黃田朱明經瑤招飲德星堂醉甚回臥松竹軒
看月作

一飲歷四時自午遂至酉不知迎門月待客亦已久人
生何時不可醉及睡可惜當頭月相待山山浸入白玉
盤松竹都同月中桂煮泉不足思煮冰酒及三斗茶三
升狂來欲上最高嶺月正當頭天壓頂

乘山飛來石

一拳奇石壓山巔作勢雖高未傳天只我尚非皮相客
此峯應號肉飛仙雲頭乍落驚棲羽松頂初平出爨煙

已覺上坡行十里欲從高處望黃田

乘山寺

有東西二房

山半招提好東西各掩關酒香團作塢雲氣合成山澗
吐流泉膩杯浮落照殷慇懃客歸去誰似老僧閒
飲中八仙石歌

山頂有巨石甚奇圍廣一畝同人攜酒飲其上却得
八人爰名爲飲中八仙石作歌邀同人共賦

乘山石大皆如屋此石尤奇生使獨飲中却復得八人
危坐石上開清尊酒人欲醉眠難起一萬峯巒生脚底
上窺天頂下俯淵頭上壓酒星跨下出酒泉天影淡淡
泉涓涓山前十萬人家好幕地席天看數老酒人旣醉

天亦愁恐有奇篇
壓山倒玉山樵客醉欲顛

謂胡孝廉琦更

有鳳石稱頑仙

陳孝廉寶泉不能登陟卽坐石上以待

餘者盡向峯頭眠

俯觀頽經臺踞視飛來石
玉屏風外霞色鮮更訝石城
雲半赤銀蟾未上金烏西
十里山轎忙如飛吟成一
篇傾一斗又醉德星堂上酒

新豐柯村謁忠宣公祠

文惠公弟八子棟始居柯村
今舉山前後子姓已有
萬家特邀余往因爲畱一日乃別

六百年來此謁公
冰天雪窖記會同人
傳蘇武居區脫

我逐張騫事
鑿空

公所至乃漢時北單于道余出口至伊埤則呼韓邪南單于道也

九

死未忘酬

主德半生敢說有宗風葛仙嶺畔祠堂好一樣溪山入

畫中

杭州西湖亦有忠宣公祠與此並擅山水之勝

望舉山作

舊說尙書塢

五代時有洪允章尙書隱居于此

今成開士居結茅千載

冷入室一燈虛

山半有祖燈菴

黍谷陰森似冰天涕淚餘崇祠

對峯頂雲尙結穹廬

題明仇實甫山水畫冊

畫師想復寫鄉關一片閒雲互往還絕似館娃宮畔路
幾陂春水幾堆山

同人遊大幕山久憩圓通菴

青浮大幕小幕綠接前溪後溪沿灘偶颺花鴨隔岸時

聞錦雞

女牆風色乍黑官道雲光已昏明日欲來看雪此宵且
莫扃門

二十九日冰鑑堂曉起看雪

尋常水西山宵半忽無色重衾擁幽夢門外雪盈尺莓
苔三四畝先被浮霰奪清響墜竹中前宵雨畱滴堂深
纔破曉凍羽競垂翼周行檐宇下冰柱礙冠側空館無
炊煙泠泠走空白

十二月初七日雪喜涇縣胡世琦朱暄兩孝廉過訪

凌晨開西軒一白屋脊突奚奴驚拍手昨夜五更雪門
前三里路無徑可出沒陵陽暨昭亭憑高岡空潔尤喜

素心友今蚤來可必茅柴酒雖淡飯以柏山栗故人方
出戶雪已斷來轍呵手復掩門高寒坐終日

雨中編校左傳話作

鴉聲入夜聞呼婦麟史編年起息姑一十二公如轉瞬
又看于越入勾吳

十一日同人攜酒至南樓小集月上乃返

一城爆竹聲已覺冬月末冬窮臘斷客不回且向南樓
眺斜日松聲柏聲合一灘樓北正面昭亭山閒街絕少
行客迹飛雨亦逐斜陽還西南不斷雲霞色酒燄燭天
天亦赤斜陽纔了新月升不使青天片時黑一樓酒客
傾百觴宿鳥亦復憎人狂閒中搖樹鵲驚起突出睥睨

臨空翔眼前百輩誰能及一石飲完仍著屐初更行到
西郭門臥對南樓數階級

十九日北樓寓館招同人爲蘇文忠公生日設祀偶成

四絕句

謫居嶺嶠尙難回甲子筵從海上開只我幸同華表雀

冰天雪窖已歸來

東坡六十歲
尙在惠州

大蘇赤壁遊何壯小謝青山景尙留公墓謫仙仙慕謝

一生低首此樓頭

舳船眞可敵風稜不怕檐前尺五冰招得東鄰數詩老

戴吳興與沈吳興

謂沈沾霖戴
大昌兩廣文

我距公生七百年望公總不啻神仙惟餘一事公輸我

明日歸耕陽羨田

時卽日東裝回里

官村阻風

相隔一百里年殘尙阻風凍梅香未逗爆竹響先通積

雨巖中綠斜陽影外紅商量醉司命先在小橋東

小除日邀吳封君端彝莊徵君宇達趙司馬懷玉上舍

球玉蔣少府廷耀昆仲至卷施閣祭詩作

孔融北海尊常滿謝客西堂歲小除百首尙憐無傑作

今歲得詩

四百餘首一年敢信有傳書

歲內作六書轉注錄比雅及弟子職箋注等盤

殮不覺羅吳楚

頻日浙西江北饋食物甚衆

里巷居然集顧厨閒裏

轉教忙不了小廳昨日有梅舒

更生齋詩續集卷三終

曾孫用懃校刊